

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(10 №-а содтӧд)

“Кирканюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Кирканюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Кирканюр” республика тӧдчанлуна канму вӧр-ва заказник.

ООПТ-лӧн дженьыд ним: “Кирканюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьясӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъясӧ (водзӧ – заказникӧн веськӧдлысь орган).

2. Заказник артмөдан медшөр могъяс да сылөн могъяс

2.1. Заказниксö артмөдöма сы могысь, медым видзны абу ёна торкалöм нюрвывса система.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын шоча паныдасьлысь быдмөг сикасьяссö;

видзны ва экосистемаяслысь гидрологическöй режимсö;

туявны вөр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Маджа сиктсянь 17 км рытив-войвывлань, Кöрткерöсса лесничестволөн Маджаса участковöй лесничестволөн 71, 72, 85, 86 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лоö 1090 га.

* Оз йöзöдсьы.

4. Заказниклөн мудоръяс

4.1. Заказниклөн мудорыс мунö Кöрткерöсса лесничестволөн Маджаса участковöй лесничестволөн 71 кварталса 34 выделлөн войвыв помсянь 71 кварталса 34 выделлөн войвыв мудорті, 72 кварталса 17 выделлөн войвыв да асиввыв мудоръясті, 86 кварталса 12 выделлөн асиввыв, лунвыв да рытиввыв мудоръясті, 85 кварталса 7 выделлөн лунвыв да рытиввыв мудоръясті, 71 кварталса 34 выделлөн лунвыв да рытиввыв

мудорьясті петан чутөдз.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсы.

5. Заказниклөн мудорьясын меститчысь видзан вөр-ва комплексъяс да налөн компонентъяс

Видзан вөр-ва комплексөн лоö мезотрофнöй да мезоевтрофнöй öткотырьяслөн периферийнöй рада мусюра-йөнöда вылыс нюр массив. Сылөн площадьлысь шөр юкөнсö босьтöны пöкатъясын меститчысь мусюра-йөнöда комплексъяс. Мусюрьясыс ясыда тыдалöны, уна пöлöс участокъясын найö вевттьöны веркөссö 30-сянь 60%-öдз. Пырджык джуджыдджыкинъясын паныдасьлöны öтка обыкновеннöй пожöм (*Pinus sylvestris*) пуяс либö налөн нейджыд котырьяс. Налөн джудждаыс весиг öти мусюрын вермö вежласьны 0.3-сянь 4.0 метрöдз. Мусюрлөн быдмөгьясыс öтпöлöсöсь да артмöны öткотырьясысь, кöни туруна-куста ярусун ыджыдалö öткымын сикас куст: нюрвывса момга турун (*Chamaedaphne calyculata*), керч (*Ledum palustre*), обоеполöй понпир (*Empetrum hermaphroditum*), обыкновеннöй чöдлач (*Vaccinium uliginosum*) да мырпом (*Rubus chamaemorus*). Став мусюрлөн му веркөсьясын ыджыдалöны нюр нитшъяс. Торья мусюрьясын сорасөн пасйöма веж, печёночнöй нитшъяс да ройяс. Йөнöдьяс васöдöсь, көнсюрö веркөсас эм ва да осьса трундаа участокъяс. Мусюрьясысь найö торьялöны сыөн, мый микрорельефлөн ляпкыдджыкинъясын кустъясыс, гöгрöс турипув (*Oxycoccus palustris*) кындзи, паныдасьлöны корсюрö да фитоценозъяс артмөдöмö ыджыд пай оз пуктыны. Йөнöдьясын туруна-куста веркөсыс гежöd, сэнi пасйöма куимсянь сизим сикасöдз. Ыджыдалысь нюрвыв шейхчерия (*Scheuchzeria palustris*) да зыбуч эжөр (*Carex limosa*) кыдзи паныдасьлöны кузьмöс корья подбел (*Andromeda polifolia*), гöрдов гöнаюр (*Eriophorum russeolum*) да влагалищнöй гöнаюр (*E. vaginatum*), английскöй лысватурун (*Drosera*

anglica), гӱгрӱс турипув. Му веркӱсыс артмӱ ӱнджыкасӱ балтийскӱй нюр нитшкыс (*Sphagnum balticum*).

Массивлӱн периферияын быдмӱ уна пӱлӱс быдмӱг, да найӱ тшӱкыда лӱбны вуджан сямаӱн. Быдмӱг веркӱс тӱчасын эмӱс комплекснӱй, мозаика сяма да гомогеннӱй участокяс. Налы лӱсялӱ тшӱтшкӱс, вутшка-зыбуч либӱ вутшка-йӱнӱда микрорельеф. Танӱ тшӱкыдакодъ паныдасьлӱ обыкновеннӱй пожӱм. Пасйӱма ӱтка жеб сибирса коз (*Picea obovata*) да пашкыр кыдз (*Betula pubescens*) пуяс. Унджык ӱткотырлӱн флористическӱй тӱчасыс ӱткодь, но сикасьяслӱн лыдыс тӱдчымӱн вежласьӱ. Пучербердса джуджыдджыкинъясын ыджыдалӱны кустьяс (керч, нюрвывса момга турун, кузьмӱс корья подбел, обыкновеннӱй чӱдлач, гӱгрӱс турипув), микроляпкыдджыкинъясын – турунъяс (влагалищнӱй гӱнаюр, нюрвыв шейхцерия, зыбуч эжӱр да мукӱд).

Нюрлӱн лунвыв юкӱнын нимтӱм шор дорын меститчӱ евтрофнӱй участок. Танӱ паськалӱма уна пӱлӱс туруна-нитшка ӱткотыр. Найӱ артмӱмаӱс мезотрофнӱй да мезоевтрофнӱй быдмӱгьясӱн. Нюр дорьясын быдмӱ чутӱс мӱсняк турун, кутшӱмӱс пыртӱма Быдмӱгьяслӱн лыддьӱгӱ (списокӱ), кодьяслӱн вӱр-ваын олӱм бӱрся колӱ торйӱн видзӱдны да кодьясӱс вӱзйӱма босьтны биология боксянь дӱзьӱр улӱ, мый вынсьӱдӱма Коми Республикаса вӱр-ва озырлун да гӱгӱртас видзан министерстволӱн 2019 во рака тӱлыс 27 лунся 498 №-а тшӱктӱдӱн (3 №-а содтӱд).

Массивлӱн шӱр юкӱнса сосудистӱй быдмӱгьяслӱн да нитшьяслӱн флораыс зӱв гӱль, да сӱтчӱ пырӱ 30-ыс ӱтшаджык таксон. Та дырйи танӱ быдмыс сикасьясыс матӱ 80% торьялӱ вежласьтӱмлунӱн. Унджыкыс на лыдыс босьтӱны ыджыд ин быдмӱг веркӱс артмӱдӱмын да вермӱны лоны доминантӱн. Заказниклӱн флораыс ӱна озырмӱ нюр дорьясын евтрофнӱй участка да мезотрофнӱй ӱткотырьясса быдмӱгьяслӱн унапӱлӱслун вӱсна. Ставнас резерватлӱн мутасыс аддзӱма 70 гӱгӱр сикас быдмӱг (кык коймӱд пайыс – сосудистӱйяс, коймӱд пайыс – нитш сямаяс).

6. Заказник торйӱн ӱна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксыны экосистемаяслөн дзоньлуныс, сы лыдын:

1) капитальнöя стрöитан объектъяс стрöитöм;

2) линейнöй объектъяс стрöитöм, тайö Положениелөн 6.2 пунктын индöм случайяс кындзи;

3) абу капитальнöй стрöйбаяс да сооружениеяс стрöитöм, заказниклысь уджалöмсö мөгмöдöм мөгысь стрöитöм кындзи;

4) пуяс да кустъяс кералöм да механическöя жугöдöм (виччысьтöм да аварийнöй ситуацияяс кындзи);

5) абу пуа вөр ресурсъяс, вöрса сёян-юан да бурдöдан быдмөгъяс заптöм да чукöртöм, индöм ресурсъяссö да быдмөгъяссö гражданаөн асланыс мөгъяс вылö заптöм да чукöртöм кындзи;

6) прöмыслöвöя кыйсьöм;

7) муяс бурмöдöм;

8) химия препаратъяс да мувердас видзöм да наөн вöдитчöм;

9) туйясысь, кутшöмъяс эмöсь, да торйөн индöм местаясысь бокин механизируйтöм транспортлөн ветлöм да сулалöм (заказник видзöм серти мероприятиеяс, а сідзжö заказниклөн мудорьясын меститчысь вөр-ва комплексъяс да налысь компонентъяс видзöм да бөр лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кодъяс ветлöдлöны да сулалöны тöвнас, кор усьöма лым сэк, кор оз лэдзны му эжöд, быдмөгъяс да вөр пуктасьяс жугöдöмсö;

10) туясян (корсысян, геофизическöй, геологоразведочнöй) уджъяс, муывьса механизируйтöм средствоясөн вöдитчöмкöд да му эжöд да быдмөгъяс тшыкöдöмкöд абу йитчöм уджъяс кындзи;

11) мупытшса озырлун, сы лыдын трунда, корсьöм да перйöм;

12) заказниклысь мутас ёгöсьтöм да няйтчöдöм, а сідзжö производство да потребление шыбласьяс меститöм (видзöм да гуалöм), ортсö лэдзан ва нуöдöм;

13) геологическӱй, ботаническӱй, зоологическӱй да мукӱд коллекция чукӱртӱм, наука-туялан могъяс вылӱ найӱс чукӱртӱм кындзи заказникӱн веськӱдлысь органкӱд сӱгласуйтӱмӱн;

14) му эжӱд да быдмӱгъяс тшыкӱдӱм, вӱчны позяна удж сикасъяс збыльмӱдӱм кындзи;

15) позъяс жугӱдӱм;

16) аншлагъяс, шлагбаумъяс, стендъяс, мудор петкӱдлысь сюръяс, мукӱд юӱртан пас да индалысь, экологическӱй ордымъясса да шойччан местаясса оборудование бырӱдӱм да торкӱм, пуяс вылын гижалӱм да пасъяс вӱчӱм.

6.2. Заказникӱн мутасын позьӱ:

1) нуӱдны наука-туялан уджъяс заказникӱн веськӱдлысь органкӱд сӱгласуйтӱмӱн;

2) кыйсыны любительскӱя да спортивнӱя оланпастэчасӱн урчитӱм пӱрадокын;

3) котыртны да нуӱдны вӱр овмӱс, нуӱдны вӱръясын пӱжарысь да санитарнӱй боксянь видзчысьӱмсӱ могмӱдан мероприятиеяс вӱр йитӱдъяс ладмӱдан юкӱнын оланпастэчасӱн урчитӱм пӱрадокын тайӱ Положениелӱн 6.1 пунктса корӱмъяс тӱд вылӱ босытӱмӱн;

4) стрӱитны, выльмӱдны, уджӱдны линейнӱй объектъяс сӱк, кор найӱс меститны мӱд позянлуныс абу, а сӱдзжӱ заказник уджӱдӱмсӱ могмӱдӱм могысь, заказникӱн веськӱдлан органкӱд сӱгласуйтӱмӱн;

5) капиталнӱя дзоньтавны линейнӱй объектъяс заказникӱн веськӱдлысь органкӱд сӱгласуйтӱмӱн;

6) нуӱдны овмӱс да мукӱд уджлысь мӱд сикасъяс, мыйысь абу ӱлӱдӱма вӱр-ваӱн вӱдитчан да гӱгӱртас видзан юкӱнын оланпастэчасӱн да тайӱ Положениеӱн, оланпастэчасӱн урчитӱм пӱрадокын.

7. Бӱртас

7.1. Заказниксӱ, сы лыдын сылӱн мутасын меститчысь вӱр-ва

комплексъяссö да налысь компонентъяссö, видзöны вöр-ваöн вöдитчан да гөгöртас видзан юкöнын оланпастэчас серти.

7.2. Заказниклöн вöр-ва комплексъяслы да налöн компонентъяслы лектор вöчан грöз артмöм дырйи сылöн мутасын вöчны позяна удж сикасыяссö дзескöдöны, недыр кад кежлö дугöдöны либö дугöдöны оланпастэчасöн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмöн, а сідзжö торйöдöны тематическöй картография материалъяс вылын.

7.4. Заказниклöн вöр-ва комплексъяслы либö налöн компонентъяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодъяс мыжаöсь заказник торйöн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйöн ёна видзан урчитöм режимлöн уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй съёмкуд съём да оланпастэчасöн абу öлöдöм мукöд öшмöс тшöт весьтö.

Пасйöд. Меститчанінсö да мудоръяссö опишитöма Кöрткерöсса лесничестволысь 1992 вося вöр овмöс котыртан да нуöдан материалъяс тöд вылö босьтöмöн.